

٦ بکا اغلامه اشته داودک کوکی اولوب یهودا سبطندن اولان ارسلان
کابی اچوبیدی مهرلینی بوزمغه ظفریاب اولدی دیدی * و باقدم
واشته تختک و اول درت ذیروحک اورته سنده و اختیارلرک
اورته سنده مذبوح اولش کی برقوزی دوروبیدی بوینوزی و بتون زمینه
٧ کوندریلان اللهم یدی روحی اولان یدی کوزی وار ایدی * بو دخی
٨ کلوب تختده قعود ایدنک (کف) یمینندن کابی الدی * و کابی الدیغی
زمان اول درت ذیروح ایله یکریمی درت اختیارقوزینک حضورینه
دوشوب هر برینک طنبورلری و مقدسلرک دعا لری اولان بخورلر ایله
٩ مملوالتون کاسلری وار ایدی * و بریکی تسبیح ترنم ایدرک کابی آلوب
مهرلینی اچمغه سن لایقسنن زیرا ذبح اولنوب قانک ایله بزی اللهه
هر قبیله دن و هر لساندن و هر قومسندن و هر طائفه دن اشترا ایله
١٠ * اللهم زک حضورنده بزی ملوک و کهان ایلدک و زمینده بز سلطنت
١١ سوره جکر دیدیلر * و بن باقوب تختک هم ذیروحلرک و اختیارلرک
چوره سنده متعدد ملائکه نک آوازی نی ایشتم بونلرک عددی اون بیک
١٢ کره اون بیکلر و بیکلرجه بیکلر اولوب * بلند آواز ایله مذبوح اولش
قوزی قدرتی و اموال و حکمت و قوت و عزت و حد و برکت اخذ
١٣ ایتکه لایقدر دیدیلر * و سما ایله زمینده و زیر زمینده اولان هر مخلوق
و دکرده اولنلری و بونلرک ایچنده اولنلرک جمعه سنی ایشتم بونلر
تختده قعود ایدنه و قوزی یه ابدالاباد برکت و عزت و جلال و قدرت
١٤ اولسون دیدیلر * اول درت ذیروح دخی آمین دیهرک اول یکریمی
درت اختیارلر دوشوب ابدالاناد حی اولانه سجده قیلدیلر .

[illegible]